



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LESITSATFU (P3)

INDLOVULENKHULU/MASHI 2013

EMAMAKI: 100

SIKHATSI: 2½ ema-awa

Leliphepha linemakhasi la-6.

TICONDZISO KULABAHLOLWAKO

1. Leliphepha lehlukaniswe tigaba LETINTSATFU:
SIGABA A: Indzaba (50)
SIGABA B: Ematheksthi emibhalombiko lemidzana (30)
SIGABA C: Ematheksthi lamafisha emibhalombiko/laticukatsilwati (20)
2. Phendvula MUNYE umbuto ESIGABENI A, MUNYE ESIGABENI B, NAMUNYE ESIGABENI C.
3. Bhala tonkhe timphendvulo ngeSiswati.
4. Cala LESO NALESO sigaba ekhasini LELISHA.
5. Hlela (Sib. libalavemcondvo, umdvwebo, ifloshadi, njll.) uphindze uhlunge emaphutsa emsebenzini wakho. Cala ngeluhlaka ngembikwekubhala indzaba.
6. Luhlaka aluvetwe ngalokucacile. Dvweba umugca lovundlile etikweluhlaka.
7. Tinombolo tetimphendvulo atihambisane naleto letisephepheni lemibuto njengobe tinjalo.
8. Nika leyo naleyo mphendvulo sihloko lesifanele.
CAPHELA: Sihloko asingabalwa nakubalwa linani lemagama.
9. Bhala ngebunono nangesandla lesifundzekako.
10. SIPHAKAMISO SEKULAWULWA KWESIKHATSI:
SIGABA A: Lokungenani imizuzu le-80.
SIGABA B: Lokungenani imizuzu le-40.
SIGABA C: Lokungenani imizuzu le-30.

SIGABA A: INDZABA**UMBUTO 1**

Bhala indzaba NGASINYE saletihloko letilandzelako ibe ngemagama langabi ngaphasi kwala-340 aphindze angabi ngetulu kwala-390.

- 1.1 Bhala indzaba ngesigameko lesakufundzisa kutsi kubona kanye kubona kabili. [50]
- 1.2 Chaza indlela emalungelo elusha nenhlonipho lekufanele kuhambisane ngayo. [50]
- 1.3 Letisematseni kulamalanga nguleti tekutekana ngebulili lobufanako. Bhala umbono wakho ngaloku. [50]
- 1.4 Bhala buhle nebubi bekunika labasha imali yesondlo lebuya kuhulumende. [50]
- 1.5 Lucwaningo luveta kutsi tinyenti tintfo letibangwa luntjintjo lwesimo selitulu emhlabeni wonkhe jikelele. Veta letinye taletingucuko ubuye usho nekutsi nguyiphi indlela lengasetjentiswa kuhrangabetana nalesimo. [50]
- 1.6 Similo sami sibabateka kangaka nje lomuhla ngenca yemfundziso yebatali bami. [50]
- 1.7 Khetsa sinye sitfombe kuletilandzelako bese ubhala ngaso indzaba. Indzaba yakho kufanele ihambelane nalesitfombe.


1.7.1



[Art explosion 300 000 premium image collection]

[50]

1.7.2



[50]

SAMBA SIGABA A:

50

SIGABA B: EMATHEKSTHI EMIBHALOMBIKO LEMIDZANA**UMBUTO 2**

Khetsa KUNYE kulokulandzelako ubhale ngako ngemagama langabi ngaphasi kwala-100 aphindze angabi ngetulu kwala-120.

2.1 INCWADZI YEBUNGANI

Umngani wakho uphumelele watfola matsangeni (ilaptop) emncintiswaneni wetikolo wekufundza nekukhuluma lobewukhona esifundzeni sangakini. Mbhalele incwadzi umhalalisele ngekuphumelela kwakhe.

[30]**2.2 INKHULUMO**

Wena umenyiwe kutsi uyowetfula inkhulumo yekukhutsata, inchubekembili nemfundvo emhlanganweni webafundzi bakamatekuletjeni endzaweni yangakini. Bhala lenkhulumo lotawuyetfula kulomhlangano.

[30]**2.3 UMBIKO**

Ungukapteni welicembu lemdlalo lelidaswa ngumeya welidolobha langakini. Nibuya kuyewudlala emdlalweni wemkhumulajezi. Bhala umbiko lotawetfula kumeya ngendlela lenidlale ngayo.

[30]**2.4 I-ATHIKILI YELIPHEPHANDZABA**

Endzaweni yangakini umkhuba wekutsengisa ngemtimba sewandze kakhulu. Bhala i-athikili leya ephephandzabeni lelishicilelwa endzaweni yangakini lapho wecwayisa khona ngebungoti balomkhuba ebantfwaneni labasakhula.

[30]**SAMBA SIGABA B: 30**

SIGABA C: EMATHEKSTHI LAMAFISHA EMIBHALOMBIKO/LATICUKATSILWATI**UMBUTO 3**

Khetsa KUNYE kulokulandzelako ubhale ngako ngemagama langabi ngaphasi kwalange-80 aphindze angabi ngetulu kwala-100.

3.1 LIKHADISIMEMO

Njalo nje ngenyanga yaLweti yonkhe iminyaka wena nebangani bakho niba nelidzili lekuphela kwemnyaka. Bhala likhadi lesimemo ubamemele edzilini lalomnyaka lelitawubanjelwa endzaweni ledvumile.

[20]**3.2 LIPHOSIKHADI**

Wena uvakashele endzaweni lenhle locala kufika kuyo. Bhala liphosikhadi leliya ebatalini bakho ubachazele ngebuhle balenzawo nekutsi uphephile kumele bakhululeke.

[20]**3.3 TICONDZISO**

Wena njengemphatsi wesigungu lesengamele bafundzi, bhala ticondziso tekutiphatsa lekumele tilandzelwe bafundzi esikolweni lapho ufundza khona.

[20]

SAMBA SIGABA C: 20
SAMBA SAKO KONKHE: 100